

版本 / 經題	經文內容：【甲七、說分】 28/02/2007 編			
1. 竺法護 譯 T10. No. 285 《漸 備一切智德 經》(五卷)	0460c10] 於是金剛藏菩薩。觀于十方。欲令眾會重懷悅豫。渴仰於法。興發大哀無極之慈。應時因是。嗟歎此頌： [0460c13]			
2. ※ 羅什 譯 T10. No. 286 《十 住經》(四 卷)	[0500a07] 爾時金剛藏菩薩。觀察十方。欲令大眾。增益信敬。而說偈言			
	39 大聖之道法 40 聖明達玄微 41 自然空淨法 42 無限無極義 43 諸眾祐所行 44 此等行如地 45 以去棄心意 46 亦復無所行 47 猶如有飛鳥 48 安住自然慧 49 何所有入處 50 漸以具眾行 51 如斯行之業 52 何況能宣布 53 以入正真慧 54 等俱咸悅豫 55 不以為憤亂 56 又當班宣說 57 其所講分別 58 今已得逮入	微妙甚深遠 智慧解所行 寂寞除苦患 言辭近超度 寂然甚淡泊 志性亦若斯 永無心句迹 無陰眾衰入 遊行在虛空 如是行道住 殊勝慧土地 心亦無想念 微妙甚難解 安住之所念 如行道之住 普共且專聽 猶如成大海 殊特之法音 甚難可解散 吾我之自然	無念以捨念 自然業寂安 遊居至解脫 以越于三世 一切之行業 甚難可講說 諸眾祐所行 聖達依慧業 不可以言辭 其心所行念 愍傷常慈哀 猶如心本性 自己志性無 一切共恭敬 若於億千劫 至誠妙真義 今當具敷演 牽引眾譬喻 安住行業事 咸樂如一滯	清澄永難了 柔仁無諍亂 逮平等滅度 行等猶虛空 徑路難逮解 何能分別了 智慧消言食 其心無想念 何況欲觀見 不可分別知 志願普備悉 智慧以明了 不可卒達知 明聽玄妙教 不可盡究竟 無厭亦無異 諸眾祐道行 正真等文字 如是不可量 且聽所宣言
	35 諸佛聖主道 36 其性從本來 37 遠離於諸趣 38 出過於三世 39 言說所難及 40 諸佛之智慧 41 但以智可知 42 十地義如是 43 漸次具諸地 44 不可以心知	微妙甚難解 寂然無生滅 等同涅槃相 其相如虛空 地行亦如是 離諸心數道 非識之所及 非無邊心知 非心所能及 當承佛力說	非思量所得 從本以來空 無中亦無後 諸佛所行處 說之猶尚難 不可得思議 如空迹難說 是事雖為難 如是諸地行 汝等當恭敬	唯智者行處 滅除諸苦惱 非言辭所說 清淨深寂滅 何況以示人 非有陰界入 何可示其相 發願行慈悲 微妙甚難見 咸共一心聽

	<p>45 諸地相入行 修習出法門 於無量億劫 說之不可盡</p> <p>46 今如實略說 其義無有餘 一心恭敬待 今承佛力說</p> <p>47 大音唱因喻 義名不相違 佛神力無量 今皆在我身</p> <p>我之所說者 如大海一滂</p>
<p>3. ※ 佛 陀 跋 陀 羅 譯 T9. No. 278 六十卷《華 嚴經》「十地 品」</p>	<p>[0544b03] 爾時金剛藏菩薩。觀察十方。欲令大眾。增益信敬。以偈頌曰</p> <p>32 諸佛聖主道 微妙甚難解 非思量所得 唯智者行處</p> <p>33 其性從本來 寂然無生滅 從本已來空 滅除諸苦惱</p> <p>34 遠離於諸趣 等同涅槃相 無中亦無後 非言辭所說</p> <p>35 出過於三世 其相如虛空 諸佛所行處 清淨深寂滅</p> <p>36 言說所難及 地行亦如是 說之猶尚難 何況以示人</p> <p>37 諸佛之智慧 離諸心數道 不可得思議 非有陰界入</p> <p>38 但以智可知 非識之所及 如空迹難說 何可示其相</p> <p>39 十地義如是 非心意所行 是事雖為難 發願行慈悲</p> <p>40 漸次具諸地 智者所能及 如是諸地行 微妙甚難見</p> <p>41 不可以心知 當承佛力說 汝等當恭敬 咸共一心聽</p> <p>42 智慧所隨順 諸地相入行 於無量億劫 說之不可盡</p> <p>43 今如實略說 其義無有餘 一心恭敬待 今承佛力說</p> <p>44 大音唱因喻 義名不相違 佛神力無量 今皆在我身</p> <p>我之所說者 如大海一滂</p>
<p>4. ※ 天 親 菩 薩 造、菩 提 流 支 譯 T26. No. 152 2 《十地經 論》</p>	<p>【十地經論、初歡喜地卷第一之二】</p> <p>[0132b05] 經曰。爾時金剛藏菩薩摩訶薩、觀察十方。欲令大眾。重增踊 悅。生正信故。以偈頌曰：</p> <p>V2-7 微難知聖道 非分別離念 難得無垢濁 智者智行處 自性常寂滅 不滅亦不生</p> <p>V2-8 自體本來空 有不二不盡 遠離於諸趣 等同涅槃相</p> <p>V2-9 非初非中後 非言辭所說 出過於三世 其相如虛空</p> <p>V2-10 定滅佛所行 言說不能及 地行亦如是 難說復難聞</p> <p>V2-11 離念及心道 智起佛境界 非陰界入說 心意所不及</p> <p>V2-12 如空中鳥跡 難說不可見 十地義如是 不可得說聞</p> <p>V2-13 我但說一分 慈悲及願力 漸次非心境 智滿如淨心</p> <p>V2-14 是境界難見 難說自心知 我承佛力說 咸共恭敬聽</p> <p>V2-15 如是智入行 億劫說不盡 今如是略說 如實滿足住</p> <p>V2-16 一心恭敬待 承佛力善說 說上法妙音 喻相應善字</p> <p>V2-17 是言說甚難 無量佛神力 光焰入我身 是力我能說</p>

[0132c01] □論曰。何故觀察十方。示無我慢、無偏心故。欲令大眾。重增踊悅。深生正信。是故說偈。示說正地。增益聞者。堪受義故。

□踊悅者。心清不濁故。踊悅有二種：一義、大踊悅爲得義故。二說、大踊悅。因此說大。能得彼義故。是中前五偈。顯義大踊悅。云何義大。彼義深故。何者深義。偈言：**V2-7 微難知聖道 非分別離念**

[0132c09] □此偈依何義說。依智地故。云何知依智地。上來所說。皆依智地。後復所說。亦依智地。第四偈言：**智起佛境界故**。

□微者。云何微。偈言：**難知聖道故**。云何難知。謂說時難知。復云何難知。大聖道難知。大聖者。所謂諸佛。是故言微。道者是因。修行此道。能到聖處故。

□言：**難知聖道**。此微有二種。一、說時甚微。二、證時甚微。如是次第。何故復難知。偈言：**非分別離念故**。

□非分別者。離分別境界故。離念者。自體無念故。如是聖道。名爲甚微。何故甚難得。難得者。難證故。是名甚微。何故復甚難得。偈言：**V2-7 難得無垢濁 智者智行處 自性常寂滅 不滅亦不生**

[0132c23] □無垢濁者。智中、無無明故。有無明、雜智。是名爲濁。智者、智行處者。自證知故。自證知者。依彼生故。於中智者。見實諦義故。復增上善解法故。增上善寂滅故。復有世間智、隨聞明了知故。

□自性常寂滅者。自性離煩惱故。非先有染。後時離故。不滅者。非一往滅。爲不捨利益眾生故。不生者。出世間故。如是此智。不住涅槃、世間中故。如是(1)觀行甚微。(2)依止甚微。(3)清淨甚微。(4)功德甚微故。

□言甚難得。於中第一甚微。不同世間三昧故。第二、第三、不同外道自言尊者故。第四、不同聲聞辟支佛故。於此偈中。微者是總。二種微是別。復顯難得。得時甚微、是總。餘四種甚微、是別。此甚微智。復有何相。偈言：

V2-8 自體本來空 有不二不盡 遠離於諸趣 等同涅槃相

V2-9 非初非中後 非言辭所說 出過於三世 其相如虛空

[0133a12] □是智相有二種。所謂同相、不同相。

□是中同相者。云何相。彼智相故。偈言：**自體本來空**。智自空故。云

何同相？一切諸法。如說自體空。自體空者。可如是取。如兔角耶不也？可如是取。異此空智。更有異空耶不也？可如是取。有彼此自體。彼此轉滅耶不也？

云何取此自體空？有**不二不盡**、如是取。此句顯、**離三種空攝**。一、離謗攝。二、離異攝。三、離盡滅攝。

有二種頌(note:版本)：一、有**不二不盡**。二、定**不二不盡**。此頌雖異。同明實有。若非實有。不得言定。此云何定。**此定能、滅諸煩惱。故是名同相。**

□**何者不同相。謂淨相解脫**。此復有二種。一、何處得解脫。二、云何解脫。

○何處得解脫者？偈言：**遠離於諸趣**。此顯諸道解脫。遠離煩惱業生故。
○云何解脫者？(1.)偈言：**等同涅槃相**。世間、涅槃。平等攝取故。非如聲聞。一向背世間故。

(2.)此智盡漏。爲初智斷？爲中？爲後？非初智斷。亦非中、後。偈言：**非初、非中、後故**。云何斷？如燈焰。非唯初、中、後。前、中、後、取故。

如是解脫。可同他音聲、觀耶不也。

(3.)云何觀？偈言：**非言辭所說**。離語言故。可同世間智。依世間耶不也。

(4.)云何依？偈言：**出過於三世**。轉依止、依止常身故。非如無常意識智。依止無常因緣法。如修多羅中。決定說此解脫。可同聲聞、緣覺智。有障解脫、得解脫耶不也。

(5.)云何解脫？偈言：**其相如虛空**。無一切煩惱、障礙故。如是觀智。如是斷煩惱。如是觀、觀如是、依止。依止如是解脫、得解脫。

如是說已。於中自體空、是總。三種空、是別。

解脫、是總。五種解脫、是別。偈言：

V2-10 定滅佛所行 言說不能及 地行亦如是 難說復難聞

[0133b15]□ 此偈云何彼智已顯。方便壞涅槃。復示性淨涅槃。偈言：**定滅故**。定者。成同相涅槃。自性寂滅故。滅者。成不同相。方便壞涅槃。示現智緣滅故。

此智是誰證。偈言：**佛所行故**。誰說？誰聽？無說、無聽。偈言：**言說**

不能及故。言說者。以音言導。謂名、句、字身。何故不但說、無言。示現依言、求解故。

彼智既如是。地行復何相？偈言：地行亦如是。難說復難聞。地者、境界。觀行者、智眷屬。智眷屬者。謂同行。同行者。謂檀等、諸波羅蜜。何故復難說、難聞。偈言：

V2-11 離念及心道 智起佛境界 非陰界入說 心意所不及

[0133b28] □ 此偈示現：思慧、及報生識智。是則可說。此智非彼境界。以不同故。

偈言：智起佛境界故。如陰、界、入可說。此智不爾。離文字故。是故不可說。

偈言：非陰、界、入說故。非耳識所知。非意識思量。是故不可聞。

偈言：心意所不及故。智者、是地。智起者。以何觀、以何同行。能起此智？云何可證。而不可說。而不可聞？今復以喻。證成此義。偈言：

V2-12 如空中鳥跡 難說不可見 十地義如是 不可得說聞

[0133c09] □ 此偈示何義。如鳥行空中。跡處不可說。相亦不可見。

何以故？虛空處、鳥跡相、不可分別故。非無虛空、行跡。如是鳥、跡、住處。名、句、字身、住處。菩薩地。證智所攝。不可得說。不可得聞。

何以故？非如聲性故。非無地智、名句字身。此中深故。示義大踊悅。何故我復說此。汝等不應、如聲取義。

○隨聲取義。有五種過：一、不正信。二、退勇猛。三、誑他。四、謗佛。五、輕法。大眾自知。無此五過。已說深義。復顯說大。令生正信。

次說五偈：

V2-13 我但說一分	慈悲及願力	漸次非心境	智滿如淨心
V2-14 是境界難見	難說自心知	我承佛力說	咸共恭敬聽
V2-15 如是智入行	億劫說不盡	今如是略說	如實滿足住
V2-16 一心恭敬待	承佛力善說	說上法妙音	喻相應善字
V2-17 是言說甚難	無量佛神力	光焰入我身	是力我能說

[0133c29] □ 前言：十地義。如是不可得、說、聞。今言：我但說一分。此言有何義？是地所攝有二種。一、因分。二、果分。說者。謂解釋。一分者。是因分、於果分、為一分故。言我但說一分。此說大有三種：

一、因成就大。二、因漸成就大。三、教說修成就大。

○何者因成就大？偈言：慈悲及願力故。慈者。同與喜樂因果故。悲者。同拔憂苦因果故。願者。發心、期大菩提故。此慈悲願。長夜熏修。不同二乘故。

○何者因漸成就大？偈言：漸次故。漸者。說聞、思、慧等次第。乃至能生、出世間智因故。

○何者教說修成就大？有二種。一、滿足修。二、觀修。

滿足修者。偈言：非心境故。非心境者。此句示現、聞思慧等、心境界處。唯是智因。能生出世間智。而此不能滿彼、出世間智地。

偈言：智滿如淨心故。如淨心者。如出世間、清淨心。能滿彼、地智故。

觀修者。偈言：

V2-14 是境界難見 難說自心知 我承佛力說 咸共恭敬聽

[0134a19] □此偈顯何義？是境界難見。自心清淨可見。此境界不可說。如是教說。修成就已。於說法中。有二種過。不能得證。一、說者過。二、聽者過。

○說者過。有二種：一、佛不隨喜說。二、不平等說。

○聽者亦有二種過：一、見諍過。我法是、彼法非。如是執著。種種諸見。二、於說法者。不生恭敬。於中示現。說者自身無過。我非諸佛。不隨喜說。偈言：我承佛力說。

咸聽故。次教聽者。防二種過。偈言：共恭敬聽故。如是次第。如是許說。而眾未知。廣說、略說。不可廣說。唯許略說。

地義滿足。如第三偈說：

V2-15 如是智入行 億劫說不盡 今如是略說 如實滿足住

[0134b03] □智入者。此所說地法。眾生以智入。云何入？如實滿足、攝取。入如行、修故。如行、修滿足故。示彼廣說義、攝取故。

住者。如來家、決定住故。我如是說：前言恭敬聽。不說云何恭敬。是故示現。偈言：

V2-16 一心恭敬待 承佛力善說 說上法妙音 喻相應善字

[0134b10] □一心恭敬待者。有二種：一、身正恭敬待。如威儀住。堪受

說法故。二、心正恭敬待。如心決定。堪能憶持故。此句勸誡、二種恭敬待。所謂身、心故。

善說者。示己無諂。無有僞慢故。承佛力者。示己無、增上慢故。

□下半偈：說上法妙音。喻相應善字。示現何事？以何事？云何事？依止何事？

(1.)示現何事者。所謂上法。(2.)以何事者。謂妙音聲。(3.)云何事者。譬喻相應。(4.)依止何事者。謂依止善字。

我一切善說。又相應者。譬喻共相應。善字者。有二種相：一、隨方言音。善隨順故。二、字句圓滿。不增不減。與理相應。故言善字。

前言承佛神力。未說云何力。第五偈、示現佛神力事。偈言：

V2-17 是言說甚難 無量佛神力 光焰入我身 是力我能說

[0134b25] 已說請分。自此以後。正說初地。此說分中。說何等事？分別有三：一、住。二、釋名。三、安住。

住中有四種：(1.)依何身。(2.)為何義。(3.)以何因。(4.)有何相。

彼心生時。即住初地。是名為住。

於中諸佛子。善集善根故。如是等四十句。說此住事。初說依何身。生如是心。

5. ※ 實 叉
難 陀 奉 詔
T10. No. 279
八十卷《華
嚴經》「十地
品」(六卷)

[0180c12] 爾時金剛藏菩薩。觀察十方。欲令大眾。增淨信故。而說頌曰

27 如來大仙道	微妙難可知	非念離諸念	求見不可得
28 無生亦無滅	性淨恒寂然	離垢聰慧人	彼智所行處
29 自性本空寂	無二亦無盡	解脫於諸趣	涅槃平等住
30 非初非中後	非言辭所說	出過於三世	其相如虛空
31 寂滅佛所行	言說莫能及	地行亦如是	難說難可受
32 智起佛境界	非念離心道	非蘊界處門	智知意不及
33 如空中鳥迹	難說難可示	如是十地義	心意不能了
34 慈悲及願力	出生入地行	次第圓滿心	智行非慮境
35 是境界難見	可知不可說	佛力故開演	汝等應敬受
36 如是智入行	億劫說不盡	我今但略說	真實義無餘
37 一心恭敬待	我承佛力說	勝法微妙音	譬諭字相應
38 無量佛神力	咸來入我身	此處難宣示	我今說少分

6. 尸羅達 摩譯 T10. No. 287 《佛 說十地經》 (九卷)	[0537c14] 爾時金剛藏菩薩觀察十方。欲令大眾。增淨信故。而說頌言： 29 微細難知大仙道 不可分別離分別 難證無濁慧者境 性常寂靜無生滅 30 性空能寂無二盡 離趣平等至涅槃 無邊中緣無所證 出過三世等虛空 31 寂靜寂滅佛所證 以諸言趣難宣說 此地及行亦如是 說猶甚難何況聽 32 遠離思惟及心道 此智所引牟尼境 非蘊界處所顯了 非心所測意所思 33 譬如空中諸鳥跡 智者叵宣難可示 諸佛子地亦如是 說尚極難何況聽 34 今當但說此一分 由大慈悲及願力 如其漸次非心境 以智能滿如意樂 35 如是此境極難見 叵說唯住自意樂 然承佛力我今說 汝等一心恭敬聽 36 如是智門及正行 億劫宣說猶難盡 我今略說汝等聽 真實法義盡如理 37 仁者專心恭敬待 我承佛力當善說 宣揚微妙正法音 譬喻相應協倫字 38 此以言詞難顯了 而蒙無量佛神力 光形聚入於我身 由是我今能演說
--	---

版本 / 經題	<p style="text-align: center;">經文內容：【甲七、說分】(分三)</p> <p style="text-align: center;">乙一、住 乙二、釋名 乙三、安住</p>
1. 竺法護 譯 T10. No. 285 《漸 備一切智德 經》(五卷)	<p>乙一、住(分四)【丙一、依何身】：</p> <p>[0461a24] 爾時金剛藏菩薩大士。謂眾會者。佛子且察。諸集眾生。積累德本。所行真諦。而無虛偽。所造行業。甚善將護。諸佛興世。常勤供養。極以合會。諸清白法。恒以諮受。善知識俱。以除憂惑。志性寬弘。篤信微妙。定意平等。面覩現在。愍念慈哀。心常志慕。諸佛聖慧。化諸眾生。悉發道心。皆令至真。</p> <p>【丙二、為何義】：好一切智。其十種力。強而有勢。則得遊行。大無所畏。其意坦然。得佛正法。擁護救濟。一切眾生。修大愍傷。其哀清淨。十方無餘。悉解一切。明智至門。悉現目前。一切佛土。無為清淨。一時覺了。三世世事。轉大法輪。療眾疾病。</p> <p>【丙三、以何因】：菩薩大士。須與發意。愍眾生行。無極大哀。以為元首。智慧明了。甚為巍巍。常勤學受。善權方便。意性和柔。親近道法。如來十力。不可限量。善思選擇計。一切人力。佛力最上。所宣法門。無所罣礙。而以和順。自在之慧。佛悉了知。一切佛興。因是自在。造立道法。法界行最。立虛空際。所可發心。顯了當來。發菩薩意。</p> <p>【丙四、有何相】：適發道意。超凡夫地。以得超越菩薩之地。則得生在如來種姓。因號之曰。無所從生。無有罪釁。輒以迴轉。世俗所趣。適過世俗。由度世行。因得住立菩薩道法。已得住立菩薩道法。便能順從三世佛教。勤心道義。常深第一。菩薩住如是道法。悅豫道地。</p>

<p>2. ※ 羅什 譯 T10. No. 286 《十 住經》(四 卷)</p>	<p>乙一、住(分四)【丙一、依何身】 [0500b07] 金剛藏菩薩。說此偈已。告於大眾。諸佛子。若眾生。厚集善根。修諸善行。善集助道法。供養諸佛。集諸清白法。為善知識所護。入深廣心。信樂大法心。多向慈悲。好求佛智慧。如是眾生。乃能發阿耨多羅三藐三菩提心。</p> <p>【丙二、為何義】 為得一切種智故。為得十力故。為得大無畏故。為得具足佛法故。為救一切世間故。為淨大慈悲心故。為向十方無餘無閼智故。為淨一切佛國令無餘故。為於一念中知三世事故。為自在轉大法輪廣示現佛神力故。諸菩薩摩訶薩。生如是心。</p> <p>【丙三、以何因】 諸佛子。是心以大悲為首。智慧增上。方便所護。直心深心淳至。量同佛力。善籌量眾生力佛力。趣向無閼智。隨順自然智。能受一切佛法。以智慧教化。廣大如法性。究竟如虛空。盡於後際。</p> <p>【丙四、有何相】 諸佛子。菩薩生如是心。即時過凡夫地。入菩薩位。生在佛家。種姓無可譏嫌。過一切世間道。入出世間道。住菩薩法中。在諸菩薩數。等入三世如來種中。畢定究竟阿耨多羅三藐三菩提。菩薩住如是法。名住歡喜地。以不動法故。</p>
<p>3. ※ 佛陀 跋陀羅譯 T9.No. 278 六十卷《華 嚴經》「十地 品」</p>	<p>乙一、住(分四)【丙一、依何身】 [0544c03] 金剛藏菩薩。說此偈已。告於大眾。諸佛子。若眾生厚集善根。修諸善行。善集助道法。供養諸佛。集諸清白法。為善知識所護。入深廣心。信樂大法。心多向慈悲。好求佛智慧。如是眾生。乃能發阿耨多羅三藐三菩提心。</p> <p>【丙二、為何義】 為得一切種智故。為得十力故。為得大無畏故。為得具足佛法故。為救一切世間故。為淨大慈悲心故。為向十方無餘無礙智故。為淨一切佛國。令無餘故。為於一念中。知三世事故。為自在轉大法輪。廣示現佛神力故。菩薩摩訶薩生如是心。</p> <p>【丙三、以何因】 諸佛子。是心以大悲為首。智慧增上。方便所護。直心深心淳至。量同佛力。善決定眾生力佛力。趣向無礙智。隨順自然智。能受一切佛法。以智慧教化。廣大如法界。究竟如虛空。盡未來際。</p> <p>【丙四、有何相】 菩薩發如是心。即時過凡夫地。入菩薩位。生在佛家。種姓尊貴。無可譏嫌。過一切世間道。入出世間道。住菩薩法中。在諸菩薩數。等入三世如來種中。畢定究竟阿耨多羅三藐三菩提。菩薩住如是法。名住歡喜地。以不動法故。</p>
<p>4. ※ 天親 菩薩造、菩 提流支譯</p>	<p style="text-align: center;">【十地經論、初歡喜地卷第一之二】</p> <p>乙一、住(分四)【丙一、依何身】 [0134c02] 經曰。諸佛子。若有眾生厚集善根故。善集諸善行故。善集諸三昧行故。善供養諸佛故。善集清白法故。善知識善護故。善清淨心故。</p>

<p>T26. No. 152 2 《十地經 論》</p>	<p>入深廣心故。信樂大法。好求佛智慧故。現大慈悲故。如是眾生。乃能發阿耨多羅三藐三菩提心。</p> <p>[0134c08] □論曰。如是十句說依何身。此集有九種：</p> <p>一者、行集善作。眷屬持戒。如經：善集諸善行故。</p> <p>二者、定集善作。眷屬三昧。如經：善集諸三昧行故。三昧行者。觀行增上故。</p> <p>三者、親近集善。習聞慧智。如經：善供養諸佛故。</p> <p>四者、聚集思慧。智善思量。波羅蜜等諸善法。如經：善集清白法故。</p> <p>五者、護集修行、實證。善得教授。如經：善知識善護故。</p> <p>六者、淨心集得。出世間正智。如經：善清淨心故。</p> <p>七者、廣集深心。作利益一切眾生。如經：入深廣心故。</p> <p>八者、信心集求。一切智智。如經：信樂大法。好求佛智慧故。</p> <p>九者、現集多行慈悲。如經：現大慈悲故。</p> <p>於中慈念。依苦苦、壞苦。悲依行苦。</p> <p>□是中初二種(note:1-2)。集顯增上戒學、增上定學。行集善作。眷屬持戒故。定集善作。眷屬三昧故。</p> <p>次有四(note:3-6)。集顯增上慧學。親近集善。習聞慧智故。聚集思慧。智善思量。波羅蜜等。諸善法故。護集修行實證。善得教授故。淨心集得。出世間正智故。</p> <p>後三(note:7-9)。集顯勝聲聞、辟支佛等故。廣集深心。作利益一切眾生故。信心集求。一切智智故。現集多行慈悲故。</p> <p>此十句中。厚集善根、是總。餘九種、是別。集者、是同相。別者、是異相。成者、略說故。壞者、廣說故。已說依何身。生如是心。次說為何義故。生如是心。</p> <p>【丙二、為何義】[0135a03] 經曰。為得佛智故。為得十力力故。為得大無畏故。為得佛平等法故。為救一切世間故。為淨大慈悲故。為得十方無餘智故。為得一切世界。無障淨智故。為得一念中。覺三世事故。為</p>
---------------------------------------	--

得轉大法輪。無所畏故。菩薩摩訶薩生如是心。

[0135a09] 論曰。於中佛智者。謂無上智。知斷證修故。此佛智。有九種業差別。為求彼故。生如是心。

一者、力佛智問記業。此如來是處、非處。智力問記故。如修多羅中說。
如經：為得十力力故。

二者、無畏佛智。破邪說業。**如經：為得大無畏故。**

三者、平等佛智。得人法無我。教授眾生。證入業。**如經：為得佛平等法故。**

四者、救佛智。以四攝法。化眾生業。**如經：為救一切世間故。**

五者、淨佛智。是淨、為救攝因業。**如經：為淨大慈悲故。**

六者、無餘智。佛智。常以佛眼。觀世間眾生業。**如經：為得十方無餘智故。**

七者、無染佛智。一切世界。無障無染。自然應化。令信作業。智心無礙。**如經：為得一切世界。無障淨智故。**

八者、覺佛智。於一念中。知三世眾生。心、心數、法、業。**如經：為得一念中。覺三世事故。**

九者、轉法輪。佛智解脫。方便善巧業故。於百億閻浮提。同時轉大法輪。**如經：為得轉大法輪。無所畏故。**

生如是心者。即是本分中。說諸佛子。是菩薩願善決定故。何故唯言生心。不言生智。及餘心數法？心中即攝。知斷證修。一切助道法故。

已說為何義故。生如是心。次說以何因。生如是心。

【丙三、以何因】[0135b02] 經曰。是心以大悲為首。智慧增上。方便善巧所攝。直心深心淳至。如來力無量。善決定眾生力。智力。隨順自然智。能受一切佛法。以智慧教化。廣大如法界。究竟如虛空。盡未來際。

[0135b07] 論曰。此大悲為首。於中悲大有九種。

一者、增上大細苦。智增上生故。**如經：智慧增上故。**智者。因果逆順。染淨觀故。慧者。自相同相。差別觀故。

二者、攝大救苦眾生。方便善巧所攝。如經：方便善巧所攝故。

三者、淳至大向時。許乃至盡眾生界。作利益眾生。悲心增上。如經：直心、深心淳至故。

四者、無量大攝。取如來無量力。如經：如來力無量故。

五者、決定大上妙。決定信深。智勝對治。如經：善決定眾生力。智力故。

六者、隨順、大隨順、菩提正覺。如經：隨順自然智故。

七者、正受大能。取大勝法。教授眾生。如經：能受一切佛法。以智慧教化故。

八者、最妙、大攝受。勝妙功德。如經：廣大如法界故。

九者、住盡、大無量愛果。因盡、涅槃際。如經：究竟如虛空。盡未來際故。

已說以何因。生如是心。次說是心生時。有何等相。

【丙四、有何相】[0135b23] 經曰。菩薩生如是心。即時過凡夫地。入菩薩位。生在佛家。種姓尊貴。無可譏嫌。過一切世間道。入出世間道。住菩薩法中。住在菩薩正處。入三世真如法中。如來種中。畢定究竟。阿耨多羅三藐三菩提。菩薩住如是法。名：住菩薩歡喜地。以不動法故。

[0135b29] 論曰。過凡夫地者。以過凡夫地故。示現得、出世間聖道。此過有八種。

一者、入位過初。成出世間心。如始住胎。相似法故。如經：入菩薩位故。

二者、家過、家生。相似法故。如經：生在佛家故。

三者、種姓過子、相似法。大乘行生故。如經：種姓尊貴。無可譏嫌故。

四者、道過世間、出世間。道不攝攝故。異道、生相似法故。如經：過一切世間道。入出世間道故。

五者、法體過、以大悲為體。於作他事。即是己事。自身體、相似法故。如經：住菩薩法中故。

	<p>六者、處過不捨、世間方便。不染善巧住故。住處相似法故。如經：住在菩薩正處故。</p> <p>七者、業過順空聖智。生命相似法故。如經：入三世真如法中故。</p> <p>八者、畢定過佛種不斷。究竟涅槃道。成就相似法故。如經：如來種中。畢定究竟、阿耨多羅三藐三菩提故。</p> <p>如是示現凡夫生、菩薩生。入胎不相似。有煩惱、無煩惱故。如是次第家。不相似種姓。不相似道。不相似體。不相似處。不相似生業。不相似成就。不相似如是說。住此地中。是名為住。如經：菩薩住如是法。名：住菩薩歡喜地。以不動法故。</p> <p>已說住義。次說釋名。云何說多歡喜故？示名歡喜。以何歡喜？此地中菩薩歡喜。復以何念？初說十句。後說二十句。</p>
<p>5. ※實又 難陀奉詔 T10. No. 279 八十卷《華嚴經》「十地品」(六卷)</p>	<p>乙一、住(分四)【丙一、依何身】 [0181a09] 佛子。若有眾生。深種善根。善修諸行。善集助道。善供養諸佛。善集白淨法。為善知識。善攝善清淨深心。立廣大志。生廣大解。慈悲現前。</p> <p>【丙二、為何義】 為求佛智故。為得十力故。為得大無畏故。為得佛平等法故。為救一切世間故。為淨大慈悲故。為得十方無餘智故。為淨一切佛刹無障礙故。為一念知一切三世故。為轉大法輪無所畏故。</p> <p>【丙三、以何因】 佛子。菩薩起如是心。以大悲為首。智慧增上。善巧方便所攝。最上深心所持。如來力無量。善觀察分別。勇猛力智。力無礙智。現前隨順自然智。能受一切佛法。以智慧教化。廣大如法界。究竟如虛空。盡未來際。</p> <p>【丙四、有何相】 佛子。菩薩始發如是心。即得超凡夫地。入菩薩位。生如來家。無能說其種族過失。離世間趣。入出世道。得菩薩法。住菩薩處。入三世平等。於如來種中。決定當得無上菩提。菩薩住如是法。名住菩薩歡喜地。以不動相應故。</p>
<p>6. 尸羅達摩譯 T10. No. 287 《佛說十地經》(九卷)</p>	<p>乙一、住(分四)【丙一、依何身】 [0538a07] 唯諸佛子若有有情。善積善根善集資糧。善修諸行善事諸佛。善聚白法善友所攝善淨意樂。隨順廣大增上意樂。具妙勝解悲愍現前。</p> <p>【丙二、為何義】 為求佛智。為欲證悟十力之力。為獲如來大無所畏。為得平等佛不共法。為欲救拔一切世間。為淨大悲愍。為悟十方無所餘智。為以無礙淨諸佛刹。為一刹那能知三世。為無所畏轉大法輪。發如是心。</p> <p>【丙三、以何因】 菩薩發心大悲為先導。慧智增上方便善巧之所攝受。</p>

	<p>意樂及與增上意樂常所輔持。佛力無量以堅持力及以智力。善擇決定無礙智。現前隨順無師自然妙智。能受一切佛法慧智。教授誨示。極於法界盡虛空性。窮未來際。</p> <p>【丙四、有何相】始發此心。即是菩薩超異生地。證入菩薩正性離生。生如來家種族尊貴無可譏嫌。已離世趣入出世道。住於菩薩本法性中。已善安住於菩薩處。隨順三世平等之法。紹如來種決定趣向正等菩提。唯諸佛子菩薩住於如是等法。名已善住極喜地中。以不動故。</p>
--	---

<p>版本 / 經題</p>	<p>經文內容：【甲七、說分】(分三)</p> <p>乙一、住 ※乙二、釋名 乙三、安住</p>
<p>1. 竺法護譯 T10. No. 285 《漸備一切智德經》(五卷)</p>	<p>乙二、釋名(分二)【丙一、總說】：</p> <p>[0461a24]佛子當知。如斯得立住菩薩道。所行不動入不迴還。以住菩薩悅豫地者。因是發意多所悅豫。其有見者莫不歡然。常有恭敬以致利養。其來見者咸共欣喜。開化眾人僉然受教。普來雲集共相娛樂。雖致遠近計無堅固。常抱仁和無所傷害。恒志悅豫心不懷恨。和顏悅色而無瞋恨。</p> <p>【丙二、別顯】(分二)：【丁一、念當得】：</p> <p>是為菩薩悅豫之地。住于道教。諸佛世尊。皆共念之。第一悅豫思於佛法。適發悅豫。念於菩薩大士本業。適懷悅豫念菩薩行。適發悅豫念於六度清淨無極。適發悅豫。念於開士所住殊特。適發悅豫。思道最微而無等侶。適發悅豫。用眾生故利益道義。適發悅豫進心深法。適發悅豫。念於如來至真之教。念以勸化一切眾生。適發悅豫。</p> <p>【丁二、念現得】(分二)：【戊一、果證】：</p> <p>念諸菩薩入如來慧精進之業。重復思惟將導不逮。為以得度。說諸眾生所慕境界。懷來進入諸佛平等。已得遠出愚癡之地。親近道場。斷除一切惡趣勤苦。</p> <p>【戊二、因地】：為諸眾生勸導之首。已得親見如來至真。具足成就如來境界。皆已逮親諸菩薩定平等之業。故悅豫耳。永以消除一切恐懼。衣毛不豎。故悅豫耳。</p>
<p>2. ※羅什譯 T10.</p>	<p>乙二、釋名(分二)【丙一、總說】：</p> <p>[0500b07]諸佛子。菩薩摩訶薩。住是歡喜地。多喜多信。多清淨多踊悅。</p>

<p>No. 286 《十住經》(四卷)</p>	<p>悅。多調柔。多堪受。不好鬪諍。不好惱亂眾生。不好瞋恨。</p> <p>【丙二、別顯】(分二)：【丁一、念當得】：</p> <p>諸佛子。諸菩薩。住是歡喜地。念諸佛故生歡喜心。念諸佛法故生歡喜心。念諸菩薩摩訶薩故生歡喜心。念諸菩薩所行故生歡喜心。念諸波羅蜜清淨相故生歡喜心。念諸菩薩與眾殊勝故生歡喜心。念諸菩薩力不可壞故生歡喜心。念諸如來教化法故生歡喜心。念能為利益眾生故生歡喜心。念一切佛一切菩薩所入智慧門方便故生歡喜心。</p> <p>【丁二、念現得】(分二)：【戊一、果證】：</p> <p>諸佛子。菩薩復作是念。我轉離一切世間界生歡喜心。入一切佛平等中生歡喜心。遠離凡夫地生歡喜心。近到智慧地生歡喜心。斷一切惡道生歡喜心。與一切眾生作依止生歡喜心。近見一切諸佛生歡喜心。生諸佛境界生歡喜心。入一切諸菩薩數生歡喜心。我離一切驚怖毛豎等生歡喜心。</p> <p>【戊二、因地】：所以者何。是菩薩摩訶薩。得歡喜地。所有諸怖畏。即皆遠離。所謂。不活畏。惡名畏。死畏。墮惡道畏。大眾威德畏。離如是等一切諸畏。何以故。是菩薩。離我相故。尚不貪身。何況所用之事。是故。無有不活畏也。心不失望供養恭敬。我應供養眾生供給所須。是故無有惡名畏也。離我見。無我相故。無有死畏。又作是念。我若死已生。必不離諸佛菩薩。是故無有墮惡道畏。我所志樂。無與等者。何況有勝。是故無有大眾威德畏也。諸佛子。如是菩薩。離諸驚怖毛豎等事。</p>
<p>3. ※ 佛 陀 跋 陀 羅 譯 T9. No. 278 六十卷《華 嚴經》「十地 品」</p>	<p>[0544c03]諸佛子。菩薩摩訶薩。住歡喜地。多喜。多信。多清淨。多踊悅。多調柔。多堪受。不好鬪諍。不好惱亂眾生。不好瞋恨。</p> <p>諸佛子。諸菩薩住是歡喜地。念諸佛故。生歡喜心。念諸佛法故。生歡喜心。念諸菩薩摩訶薩故。生歡喜心。念諸菩薩所行故。生歡喜心。念諸波羅蜜清淨相故。生歡喜心。念諸菩薩與眾殊勝故。生歡喜心。念諸菩薩力不可壞故。生歡喜心。念諸如來教化法故。生歡喜心。念能為利益眾生故。生歡喜心。念一切佛一切菩薩所入智慧方便門故。生歡喜心。</p> <p>菩薩復作是念。我轉離一切世間境界。生歡喜心。入一切佛平等中。生歡喜心。遠離凡夫地。生歡喜心。近智慧地。生歡喜心。斷一切惡道。生歡喜心。與一切眾生作依止。生歡喜心。近見一切諸佛。生歡喜心。生諸佛境界。生歡喜心。入一切諸菩薩數。生歡喜心。離一切恐怖。生歡喜心。</p> <p>所以者何。是菩薩得歡喜地。所有怖畏即皆遠離。所謂不活畏。惡名畏。</p>

	<p>死畏。墮惡道畏。大眾威德畏。離如是等一切諸畏。何以故。是菩薩離我相故。尚不貪身。況所用物。是故菩薩無不活畏。心不希望恭敬供養。我應供養眾生。供給所須。是故菩薩無惡名畏。遠離我見。無我相故。無有死畏。又作是念。我若死已。所生必見諸佛菩薩。是故無有墮惡道畏。我所志樂。無與等者。何況有勝。是故無有大眾威德畏。如是菩薩永離一切諸恐怖事。</p>
<p>4. ※ 天親 菩薩造、善 提流支譯 T26. No. 152 2 《十地經 論》</p>	<p style="text-align: center;">【十地經論、初歡喜地卷第一之二】</p> <p>乙二、釋名(分二)【丙一、總說】：</p> <p>[0135c24] 經曰。諸佛子。是菩薩住、菩薩歡喜地中。成就多歡喜。多信敬。多愛念。多慶悅。多調柔。多踊躍。多堪受。多不壞他意。多不惱眾生。多不瞋恨。</p> <p>[0135c27] □論曰。歡喜者。名為心喜、體喜、根喜。是歡喜有九種。</p> <p>一者、敬歡喜。於三寶中、恭敬故。如經：多信敬故。</p> <p>二者、愛歡喜。樂觀、真如法。如經：多愛念故。</p> <p>三者、慶歡喜。自覺所證、按量勝。如經：多慶悅故。</p> <p>四者、調柔歡喜。自身心遍、益成就。如經：多調柔故。</p> <p>五者、踊躍歡喜。自身心遍。益增上滿足。如經：多踊躍故。</p> <p>六者、堪受歡喜。自見至菩提近。如經：多堪受故。</p> <p>七者、不壞歡喜。自心調伏。論義解說時。心不擾動。如經：多不壞他意故。</p> <p>八者、不惱歡喜。教化他、攝取眾生時。慈悲調柔。如經：多不惱眾生故。</p> <p>九者、不瞋歡喜。見諸眾生。不如說修行。威儀不正時。忍不瞋故。如經：多不瞋恨故。</p> <p>已說多歡喜。次說、以何念故？歡喜成。是第二十句。第三十句說。是念有二種：一念當得。二念現得。何者念當得？</p> <p>【丙二、別顯】(分二)：</p> <p>【丁一、念當得】： [0136a14] 經曰。諸佛子菩薩、住是歡喜地中。念</p>

諸佛故。生歡喜心。念諸佛法故。生歡喜心。念諸菩薩摩訶薩故。生歡喜心。念諸菩薩所行故。生歡喜心。念諸波羅蜜清淨相故。生歡喜心。念諸菩薩地。按量勝故。生歡喜心。念諸菩薩力不退故。生歡喜心。念諸如來教化法故。生歡喜心。念能利益眾生。故生歡喜心。念入一切如來智行故。生歡喜心。

[0136a22]□ 論曰。云何念？如佛所得。我亦當得。如是念。此念佛有九種。一者、念佛法。如經：念諸佛法故。生歡喜心。

二者、念佛菩薩。如經：念諸菩薩摩訶薩故。生歡喜心。

三者、念佛行。如經：念諸菩薩所行故。生歡喜心。

四者、念佛淨。如經：念諸波羅蜜清淨相故。生歡喜心。

五者、念佛勝。如經：念諸菩薩地按量勝故。生歡喜心。

六者、念佛不退。如經：念諸菩薩力不退故。生歡喜心。

七者、念佛教化。如經：念諸如來教化法故。生歡喜心。

八者、念佛利益。如經：念能利益眾生故。生歡喜心。

九者、念佛入。如經念入一切如來智行故。生歡喜心。

於中初二念(note:1-2)共念佛。如佛所得。我亦當得故。(1)念佛法。念諸佛法故。佛、佛法二故。(2)念佛菩薩。二念諸菩薩故。(3)念佛行。念諸菩薩行故。如是次第。

餘有六句(note:4-9)。(4)念佛淨。念諸波羅蜜清淨相故。(5)念佛勝。念諸菩薩地按量勝故。(6)念佛不退。念諸菩薩力不退故。(7)念佛教化。念諸如來教化法故。(8)念佛利益。念能利益眾生故。(9)念佛入。念入一切如來智行故。

隨所顯彼菩薩行。以何顯、如是諸念應知。復何顯、彼波羅蜜淨。顯云何顯、彼菩薩行地。按量勝轉去故。地盡去故。於中餘者。得教化法故。作利益眾生行、不虛故。入如來地行故。

是中念佛行者。亦總。亦別。已說念當得故。生歡喜心。次說念現得故。生歡喜心。

【丁二、念現得】(分二)：

【戊一、果證】：[0136b20] 經曰。諸佛子。菩薩復作是念。我轉離一切世間境界故。生歡喜心。近入如來所故。生歡喜心。遠離凡夫地故。生歡喜心。近到智慧地故。生歡喜心。斷一切惡道故。生歡喜心。與一切眾生。作依止故。生歡喜心。近見一切諸佛故。生歡喜心。生諸佛境界故。生歡喜心。入一切菩薩真如法故。生歡喜心。我離一切怖畏。毛豎等事故。生歡喜心。

[0136b28] □論曰。我轉離一切、世間境界者。轉離一切、凡夫取著事。此轉離有九種。

一者、入轉離。如經：近入如來所故。生歡喜心。

二者、遠轉離。如經：遠離凡夫地故。生歡喜心。

三者、近至轉離。如經：近到智慧地故。生歡喜心。

四者、斷轉離。如經：斷一切惡道故。生歡喜心。

五者、依止轉離。如經：與一切眾生。作依止故。生歡喜心。

六者、近見轉離。如經：近見一切諸佛故。生歡喜心。

七者、生轉離。如經：生諸佛境界故。生歡喜心。

八者、平等轉離。如經：入一切菩薩、真如法故。生歡喜心。

九者、捨轉離。如經：我離一切怖畏。毛豎等事故。生歡喜心。

於中。(1)入轉離者。顯事不相似故。(2)遠轉離、(3)近至轉離者。示自身、不相似故。餘有六句(4-9)。斷轉離。依止轉離。近見轉離。生轉離。平等轉離。捨轉離。

如是次第。行不相似故。迭相依止、不相似故。他力不相似故。處不相似故。生業不相似故。成就不相似故。

怖畏者。不愛疑慮憂想。共心相應故。復身相差別。謂毛豎等事。

次說、何者是怖畏？云何怖畏因？遠離此因。無怖畏故。

【戊二、因地】：[0136c20] 經曰。所以者何？是菩薩摩訶薩。得歡喜地已。所有諸怖畏。即皆遠離。所謂(1)不活畏、(2)惡名畏、(3)死畏、(4)墮惡道畏、(5)大眾威德畏。離如是等。一切諸畏。

	<p>何以故？(1)是菩薩離我想故。尚不貪身。何況所用之事。是故無有不活畏。(2)心不怖望。供養恭敬。我應供養一切眾生。供給一切所須之具。是故無有惡名畏。(3)遠離我見。無我想故。無有死畏。</p> <p>(4)又作是念。我若死已。生必不離諸佛菩薩。是故無有墮惡道畏。(5)我所志樂。一切世間身心。無與等者。何況有勝。是故無有大眾威德畏。諸佛子。菩薩如是離諸怖畏。毛豎等事。</p> <p>[0137a03] □論曰。此五怖畏。是初地障。復說、地利益勝。是五怖畏。第一、第二、第五。依身、口意。第三、第四依身。依身者。愛憎善道、惡道。捨得依身故。何故但說五怖畏？打縛等諸畏。皆五所攝故。</p> <p>此怖畏因。略有二種。一、邪智妄取。想見愛著故。二、善根微少故。此對治如經：離我想故。尚不貪身。乃至、無有大眾威德畏故。怖畏毛豎等事。何故二處說？前說、身怖畏。後說、異身怖畏故。</p>
<p>5. ※實叉難陀奉詔 T10. No. 279 八十卷《華嚴經》「十地品」(六卷)</p>	<p>[0181a09]佛子。菩薩住歡喜地。成就多歡喜。多淨信。多愛樂。多適悅。多欣慶。多踊躍。多勇猛。多無鬪諍。多無惱害。多無瞋恨。</p> <p>佛子。菩薩住此歡喜地。念諸佛故生歡喜。念諸佛法。故生歡喜。念諸菩薩。故生歡喜。念諸菩薩行。故生歡喜。念清淨諸波羅蜜。故生歡喜。念諸菩薩地殊勝。故生歡喜。念菩薩不可壞。故生歡喜。念如來教化眾生。故生歡喜。念能令眾生得利益。故生歡喜。念入一切如來智方便。故生歡喜。</p> <p>復作是念。我轉離一切世間境界。故生歡喜。親近一切佛。故生歡喜。遠離凡夫地。故生歡喜。近智慧地。故生歡喜。永斷一切惡趣。故生歡喜。與一切眾生作依止處。故生歡喜。見一切如來。故生歡喜。生佛境界中。故生歡喜。入一切菩薩平等性中。故生歡喜。遠離一切怖畏毛豎等事。故生歡喜。</p> <p>何以故。此菩薩。得歡喜地已。所有怖畏。悉得遠離。所謂不活畏。惡名畏。死畏。惡道畏。大眾威德畏。如是怖畏。皆得永離。何以故。此菩薩。離我想故。尚不愛自身。何況資財。是故無有不活畏。不於他所。希求供養。唯專給施一切眾生。是故無有惡名畏。遠離我見。無有我想。是故無有死畏。自知死已。決定不離諸佛菩薩。是故無有惡道畏。我所志樂。一切世間。無與等者。何況有勝。是故無有大眾威德畏。菩薩如是。遠離驚怖毛豎等事。</p>
<p>6. 尸羅達摩譯 T10. No. 287 《佛</p>	<p>[0538a27] 唯諸佛子菩薩住於極喜地時。極多歡喜多淨信。多愛樂多適悅。多忻慶多踊躍。多勇悍多無鬪諍。多無惱害多無瞋恨。</p> <p>唯諸佛子。菩薩住於極喜地中。念諸佛時。發生極喜念佛法時。念菩薩</p>

<p>說十地經》 (九卷)</p>	<p>時。念菩薩行時。念到彼岸清淨之時。念諸菩薩地殊勝時。念餘菩薩不映奪時。念佛教授教誡之時。念令有情得利益時。念當趣入一切如來智加行時。皆生歡喜。</p> <p>又此菩薩。了知我今轉離一切世間境界。親近諸佛遠異生地近至智地。永斷一切墮險惡趣。與諸有情為依止處。近見諸佛住佛境界。入諸菩薩平等性中。捨離一切怖畏毛豎故生極喜。</p> <p>所以者何。唯諸佛子菩薩纔。證極喜地已。所有怖畏謂不活畏惡名畏死畏惡趣畏處。眾怯畏悉皆遠離。</p> <p>所以者何。由是菩薩離我想故。尚無我愛況復生。於諸資具愛由是因緣無不活畏由於他所無所希望唯自起欲。我應給施一切有情諸資生具。由是因緣無惡名畏由離我見。於我無有失壞之想故。無死畏自知死後。於當來世決定不離諸佛菩薩。由是因緣無惡趣畏。由意樂見一切世間尚無有一與我齊等何況殊勝。是故無有處眾怯畏。唯諸佛子菩薩如是。已離怖畏憍傲毛豎。</p>
------------------------------	---

<p>版本 / 經題</p>	<p>經文內容：【甲七、說分】(分三) 乙一、住 乙二、釋名 ※乙三、安住</p>
<p>1. 竺法護 譯 T10. No. 285《漸備 一切智德經》 (五卷)</p>	<p>乙三、安住(分三)【丙一、信心成就】：</p> <p>[0461a24]所以者何。是故佛子。諸菩薩學以是悅豫。便速得立菩薩道地。以得住立菩薩道地。諸所恐畏。永無復難。在無命安。無世俗畏無死之畏。不畏惡趣。所入眾會無所忌難。皆以永除一切諸懼。</p> <p>所以者何。無吾我想。不貪己身。況復貪愛。一切榮異。所生業乎。不畏無壽。亦不思念憊望僥倖。唯愍群生。一切所有。無極之業。救諸窮乏。貪不識道是無俗畏。成其道明。不自見身。不畏失己無吾我想。不畏當死。雖身壽終。成菩薩行。不離諸佛。由是之故。不畏惡趣。普觀世間。察於道心。而無等倫。志性仁和。誰能踰者。以是之故。所入眾會。不懷忌難。離於恐懼。衣毛不豎。佛子當解。菩薩大士。以具大哀。不抱傷害。修本淨心。益加精進。合集一切眾德之本。</p> <p>【丙二、修行成就】：[0461c27] 佛言。以篤信至。威神漸備。多所歡悅。淨諸不信。篤信以興。常行愍哀。歸無極慈。心不患厭生死之難。志于慚愧。而自莊嚴。心所生處。忍辱仁和。若干種物。供養奉上如來至真。最等正覺。夙興夜寐。精進勤修。不厭講誦。積功德本。習於善友。以</p>

	<p>法樂而自娛。求博聞不懈倦。若聞法順思惟。已思惟無所著。不悵望衣食。業諸利養。心不貪慕。萬物恩愛。心永已除。唯慕義求三寶。發意之頃。不廢正行。</p> <p>【丙三、迴向成就】：勤修慕樂一切智地。如來十力。四無所畏。佛十八法。專精奉行六度無極。棄捐虛偽。而無諛諂。言行相應。不違心口。所至到處。常順言行。未曾毀亂如來種姓。恒一心念菩薩禁戒。一切智心。不可動搖。猶如太山不可傾覆。普於世間。無所慕樂。求度世業。以化未聞。學於道品。不知厭足。心常勤勤。求殊特事。是為佛子。如是像業清淨、道事淨、菩薩法。輒得堅住悅豫之地。</p>
<p>2. ※ 羅 什 譯 T10. No. 286《十住 經》(四卷)</p>	<p>乙三、安住(分三)【丙一、信心成就】：</p> <p>[0500b07]諸佛子。是菩薩。以大悲為首。深大心堅固。轉復勤修一切善根。所謂。以信心增上。多行淨心。解心清淨。多以信心。分別起悲愍心。成就大慈。心不疲懈。以慚愧。莊嚴。成就忍辱柔和。敬順諸佛教法。信重尊貴。</p> <p>【丙二、修行成就】：日夜常修。善根無厭。親近善知識。常愛樂法。求多聞無厭。如所觀法正觀。心不貪著。不求利養。名聞恭敬。一切資生之物。心無慳吝。常生實心。無有厭足。</p> <p>【丙三、迴向成就】：貪樂一切智地。常欲得諸佛。力無畏不共法。求助諸波羅蜜法。離諸諂曲。如說能行。常行實語。不污諸佛家。不捨菩薩學戒。生薩婆若。心不動如大山王。不樂一切世間諸事。成就出世間善根。集助菩提分法。無有厭足。常求勝中勝道。諸佛子。菩薩摩訶薩。成就如是淨治地法。名為安住菩薩歡喜地。</p>
<p>3. ※ 佛 陀 跋 陀 羅 譯 T9.No. 278 六十卷《華 嚴經》「十地 品」</p>	<p>乙三、安住(分三)【丙一、信心成就】：</p> <p>[0544c03]諸佛子。是菩薩以大悲為首。於一切眾生。心無嫌恨。直心堅固自然清淨。轉復勤修一切善根。所謂信心增上。多行淨心。解心清淨。多以信心分別。出生大悲。成就大慈。心不疲懈。以慚愧莊嚴。成就忍辱柔和。敬順諸佛教法。信重善知識。</p> <p>【丙二、修行成就】：日夜常修一切善根。常愛樂法。求多聞無厭。如所聞法正念觀察。心不貪著。不求名聞。不求利養資生之物。常生實心無有厭足。</p> <p>【丙三、迴向成就】樂一切智地。欲得諸佛。力無畏。不共法。求助諸波羅蜜法。離諸諂曲。如說能行。常行實語。不污諸佛家。不捨菩薩戒。生薩婆若。心不動如山王。不樂世間事。成就出世間善根。集善助菩提法無有厭足。常求勝中勝道。菩薩成就如是淨地法。名為安住歡喜地。</p>